

唐  
音  
統  
籤

戊籤三十二劉滄之二

唐音統籤卷

六十一

七言律詩二

咸陽懷古

經過此地無窮事一望淒然感廢興  
渭水故都秦二世咸原秋草漢諸陵  
天空絕塞聞邊鴈葉盡孤村見夜燈  
風景蒼蒼多少恨寒山半出白雲層

鄴都懷古

昔時霸業何蕭索古木唯多鳥雀聲  
芳草自生宮殿處牧童誰識帝王城  
殘春楊柳長川迴落日兼葭遠水平  
一望青山便惆悵西陵無主月空明

長洲懷古

野燒原空盡荻灰  
吳王此地有樓臺  
千年事往人何在  
半夜月明潮自來  
白鳥影從江樹沒  
清猿聲入楚雲哀  
停車日晚薦蘋藻  
風靜寒塘花正開

浙江晚渡懷古

蟬噪秋風滿古隄  
荻花寒渡思悽悽  
潮聲歸海鳥初下  
草色連江人自迷  
碧落晴分平楚外  
青山晚出穆陵西  
此來一見垂綸者  
卻憶舊居明月溪

過鑄鼎原

黃帝修真萬國朝  
鼎成龍駕上丹霄  
天風乍起鶴

聲遠海霧漸深龍節遙仙界日長青鳥度御衣香  
散紫霞飄唯留古跡寒原在碧水蒼滄空寂寥

經過建業

六代興衰曾此地西風露泣白蘋花煙波浩渺空  
亡國楊柳蕭條有幾家楚塞秋光晴入樹浙江殘  
雨晚生霞淒涼處處漁樵路鳥去人歸山影斜

經煬帝行宮

此地曾經翠輦過浮雲流水竟如何香銷南國美  
人盡怨入東風芳草多殘柳宮前空露葉夕陽川  
上浩煙波行人遙起廣陵思古渡月明聞棹歌

秋日過昭陵

寢廟徒悲劍與冠  
翠華龍馭杳漫漫  
原分山勢入空塞  
地匝松陰出晚寒  
上界鼎成雲縹緲  
西陵舞罷淚闌干  
那堪獨立斜陽裏  
碧落秋光煙樹殘

經古行宮

玉輦西歸已至今  
古原風景自沉沉  
御溝流水長芳草  
宮樹落花空夕陰  
胡蝶翅翻殘露滴  
子規聲盡野煙深  
路人不記當年事  
臺殿寂寥山影侵

經曲阜城

行經闕里自堪傷  
曾歎東流逝水長  
蘿蔓幾凋荒

隴樹莓苔多處古宮墻三千弟子標青史萬代先生號素王蕭索風高洙泗上秋山明月夜蒼蒼

經麻姑山

麻姑此地鍊神丹寂寞煙霞古竈殘一自仙娥歸碧落幾年春雨洗紅蘭帆飛震澤秋江遠雨過陵陽晚樹寒山頂白雲千萬片時聞鸞鶴下仙壇

經龍門廢寺

因思人事事無窮幾度經過感此中山色不移樓殿盡石臺依舊水雲空唯餘芳草滴春露時有殘花落晚風楊柳覆灘清瀨響暮天沙鳥自西東

過北邙山

散漫黃埃滿北原，折碑橫路碾苔痕。  
空山夜月來松影，荒塚春風變木根。  
漠漠兔絲羅古廟，翩翩丹旆過孤村。  
白楊落日悲風起，蕭索寒巢鳥獨奔。

訪友人郊居

登原過水訪相知，竹塢莎庭似故居。  
空塞山當清晝晚，古槐人繼綠陰餘。  
休彈瑟韻傷離思，已有蟬聲報夏初。  
醉唱勞歌翻自歎，釣船漁浦夢難踈。

匡城尋薛閔秀才不遇

音容一別近三年，往事空思意浩然。  
疋馬東西何

處客孤城楊柳晚來蟬路長草色秋山綠川濶晴  
光遠水連不見故人勞夢寐獨吟風月過南燕

長安逢友人

上國相逢塵滿襟傾盃一話昔年心荒臺其望秋  
山立古寺多同雪夜吟風度重城宮漏盡月明高  
柳禁煙深終期白日青雲路休感鬢毛霜雪侵

深愁喜友人至

不避驅羸道路長青山同喜惜年光燈前話舊  
草夜月下醉吟谿樹霜落葉已經寒燒盡衡門猶  
對古城荒此身未遂歸休計一半生涯寄岳陽



與重幽上人話舊

雲飛天末水空流省與師同別異州庭樹蟬聲初  
入夏石牀苔色幾經秋燈微靜室生鄉思月上嚴  
城話旅遊自喜他年接巾舄滄浪地近虎溪頭

與僧話舊

巾舄同時下翠微舊遊因話事多違南朝古寺幾  
僧在西嶺空林唯鳥歸莎徑晚煙凝竹塢石池春  
色染苔衣此時相見又相別卽是關河朔鴈飛

秋日山寺懷友人

蕭寺樓臺對夕陰淡煙疎磬散空林風生寒渚白

蘋動霜落秋山黃  
葉深雲盡獨看晴  
塞鴈月明遙聽遠  
村砧相思不見又  
經歲坐向松窓彈  
玉琴

懷江南友人

久絕音書隔塞塵  
路岐誰與子相親  
愁中獨坐秦城夜  
別後幾經吳苑春  
湘岸風來吹綠綺  
海門潮上沒青蘋  
空勞兩地望明月  
多感斷蓬千里身

懷汶陽兄弟

回看雲嶺思茫茫  
幾度關河隔汶陽  
書信經年鄉國遠  
弟兄無力海田荒  
天高霜月砧聲苦  
風滿寒林木葉黃  
終日路岐歸未得  
秋來空羨鴈成行

和友人憶洞庭舊居

客舍經時益苦吟，洞庭猶憶在前林。  
青山殘月有歸夢，碧落片雲生遠心。  
谿路煙開江月出，草堂門掩海濤深。  
因君話舊起愁思，隔水數聲何處砧。

罷華原尉上座主尚書

自憐生計事悠悠，浩渺滄浪一釣舟。  
千里夢歸清洛近，三年官罷杜陵秋。  
山連絕塞渾無色，水到平沙幾處流。  
白露黃花歲時晚，不堪霜鬢鏡前愁。

贈顓頊山人

浩氣含真玉片輝，著書精義入玄微。  
洛陽紫陌幾

曾醉少室白雲時一歸松雪月高唯鶴宿煙嵐秋  
霽到人稀知君濟世有長策莫問滄浪隱釣磯

贈天台隱者

靜者多依猿鳥衙門野色四郊通天開宿霧海  
生日水泛落花山有風迴望一巢懸木末獨尋危  
石坐巖中看書飲酒餘無事自樂樵漁名釣翁

贈隱者

何時止此幽棲處獨掩衙門長綠苔臨水靜聞靈  
鶴語隔原時有至人來五湖仙島幾年別九轉藥  
爐深夜開誰識無機養真性醉眠松石枕空盃

贈道者

真趣淡然居物外  
忘機多是隱天台  
停燈深夜看仙錄  
拂石高秋坐釣臺  
賣藥故人湘水別  
入簷栖鳥舊山來  
無因朝市知名姓  
地僻衡門對嶽開

寓居寄友人

雨餘虛館竹陰清  
獨坐書窓軫旅情  
芳草衡門無馬跡  
古槐深巷有蟬聲  
夕陽雲盡嵩峰出  
遠岸煙消浴水平  
今夜南原賞佳景  
月高風定苦吟生

寄遠

西園楊柳暗驚秋  
寶瑟朱絃結遠愁  
霜落鴈聲來

紫塞月明人夢在青樓  
蕙心迢遞湘江暮蘭思榮  
廼楚水流錦字織成添  
別恨關河萬里路悠悠

留別崔潯秀才昆仲

汶陽離思水無窮  
去住情深夢寐中  
歲晚蟲鳴寒露草  
日西蟬噪古槐風  
川分遠岳秋光靜  
雲盡遙天霽色空  
對酒不能傷此別  
尺書憑鴈往來通

入關留別主人

此來多愧食魚心  
東閣將辭強一吟  
羸馬客程秋草合  
晚蟬關樹古槐深  
風生野渡河聲急  
鴈過寒原嶽勢侵  
對酒相看自無語  
幾多離思入瑤琴

龍門留別道友

一顧恩深荷道安，獨垂雙淚下層巒。  
雲暮搖落西風關，樹寒春谷終期次。  
羽翼萍身不定，逐波瀾徘徊偏起。  
鶻枝戀半夜，獨吟孤燭殘。

留別山中友人

欲辭松月戀知音，去住多同羈鳥心。  
秋盡書窓驚白髮，曉霜葉下青岑大。  
河風急寒聲遠，高嶺雲開夕影深。  
別後寂寥無限意，野花門路草蟲吟。

留別復本修古二上人

遠相知是昔年，此身長寄禮香煙。  
綠蕪風晚水

邊寺清磬月高林下禪臺殿虛窓山翠入梧桐疎  
葉露光懸西峰話別又須去終日關山在馬前

送友人遊蜀

北去西遊春未半蜀山雲雪入詩情青蘿拂水花  
流影翠靄隔巖猿有聲日出空江分遠浪鳥歸高  
木認孤城心期萬里無勞倦古石蒼苔峽路清

送李休秀才歸嶺中

南泛孤舟景自饒蒹葭汀浦晚蕭蕭秋風灑水旅  
愁起寒木楚山歸思遙獨夜猿聲和落葉晴一作空

江月色帶回潮故園新過重陽節黃菊滿籬應未



潤

送友人罷舉赴薊門從事

人生行止在知己遠佐諸侯重所依  
綠綬便當身是貴青霄休怨志相違  
晚雲遼水踈殘雨寒角邊城怨落暉  
此去黃金臺上客相思應羨鴈南歸

送友人下第東歸

漠漠楊花灞岸飛幾迴傾酒話東歸  
九衢春盡生鄉夢千里塵多滿客衣  
流水雨餘芳草合空山月晚白雲微  
金門自有西來約莫待螢光照竹扉

送友人下第歸吳

共惜年華未立名，路岐終日軫羈情。  
青春半是往來盡，白髮多因離別生。  
楚岸帆開雲樹映，吳門月上水煙清。  
東歸自有故山約，花落石牀苔蘚平。

送元叙上人歸上黨

時節鎮罷兵

太行關路戰塵收，白日思鄉別沃州。  
薄暮焚香臨野燒，清晨漱齒涉寒流。  
谿邊殘壘空雲木，山上孤城對驛樓。  
此去寂寥尋舊跡，蒼苔滿徑竹齋秋。

經無可舊居兼傷賈島

塵室寒窓我獨看，別來人事幾凋殘。  
畫空蕭寺一僧去，雪滿巴山孤客寒。  
落葉墮巢禽自出，蒼苔封

砌竹成竿碧雲迢遞長江遠向夕苦吟歸思難

代友人悼姬

羅帳香微冷錦裯歌聲永絕想梁塵蕭郎獨宿落  
花夜謝女不歸明月春青鳥罷傳相寄字碧江無  
復採蓮人滿庭芳草坐成恨迢遞蓬萊入夢頻

對殘春

楊花漠漠暗長隄春盡人愁鳥又啼髣髴近來生  
處白家園幾向夢中迷霏微遠樹荒郊外牢落空  
城夕照西唯有年光堪自惜不勝煙草日萋萋

八月十五夜玩月

中秋明月靜天河鳥鵲南飛客恨多  
寒色滿窓明  
枕簟情光凝露拂煙蘿桂枝斜漢流  
靈魄蘋葉微  
風動細波此夜空亭聞木落蒹葭霜  
積鴈初過

江樓月夜聞笛

南浦蒹葭疎雨後寂寥橫笛怨江樓  
思飄明月浪  
花白聲入碧雲楓葉秋河漢夜闌孤  
鴈度瀟湘水  
瀾二妃愁髮寒衣濕曲初罷露色河  
光生釣舟

月夜聞鶴唳

碧落風微月正明霜毛似怨有離情  
萼青石冷想  
孤立楊柳葉疎聞轉清空夜露殘驚  
墮羽遼天秋

晚憶歸程鳳凰樓閣知猶戀終逐煙霞上玉京

句

海曙雲浮日江通水合天

發浙江見  
詩人玉屑

戊籤三十三

唐音續籤卷

六百三十二

李頻字德新睦州人少秀悟多所記覽與里人方  
于善嘗以詩走謁姚少監合丐其品藻合大加獎  
挹以女妻之大中八年登進士第歷秘書郎南陵  
尉武功令拜侍御史乾符中歷都官員外郎建州  
刺史集一卷唐宋志同今編四卷品彙云頻治建以  
條建賴以安卒葬于永樂州爲立祠梨山歲祀之  
至宋錫王封建郡刻頻梨嶽詩集乃宋嘉熙元  
大德舊本詩一百九十五首今續補者五首

五言古詩

宋少府東溪泛舟

登岸還入舟水禽驚笑語晚葉低衆色濕雲帶繁  
暑落日乘醉歸溪流復幾許

下第後屏居書懷寄張侍御

別足豈一生良工隔千里故山彭澤上歸夢向汾  
水低催神氣盡僮僕心亦耻未達誰不知達者多  
志此行年忽已壯去老年更幾功名如不彰身歿  
豈爲鬼纔看芳草歇卽歎涼風起驄馬未來朝嘶  
聲尚在耳

五言律詩一

古意

白馬遊何處青樓日正長  
鳳簫拋舊曲鸞鏡懶新

粧玄鳥深巢靜

一作玄鳥  
空巢靜

飛花入戶香雖非寶酒

婦錦字已成章

### 書懷

宦途從不問身事覺無差  
華髮初生女滄洲未有  
家却閑思洞穴終老曠  
桑麻別訪棲禪侶相期語  
劫沙

### 勉力

日月不並照升沉俱有時  
自媒徒欲速孤立却宜  
遲盡力唯求已公心任遇  
誰人間不得意半是鬢



先衰

山居

飲出窮吾道東西自未能捲書

一作簾

惟對鶴開畫

一作卷

獨留僧落葉和雲掃秋山共月登何年石上

水夜夜滴高層

山中夜坐

歸家來幾夜倏忽覺秋殘月滿方塘白風依老樹  
寒戲魚重躍定驚鳥却棲難爲有門前路吾生不  
得安

避暑

當暑憶歸林陶家借柳陰蟬從初伏噪客向晚涼  
吟白日欺玄鬢滄江負素心神仙儻有術引我出

幽岑

中二聯同後夏日  
盤屋郊居寄姚

尋山

壽昌志唐縣令穆均遊靈棲洞頻從行  
穆吟前二韻類繼後二韻恐未足據姑

記之

一逕入雙崖初疑有幾家行窮人不見坐久日空  
斜石上生靈草泉中落異花終須結茅屋向此學  
餐霞

入朝遇雪

霜鬢持霜簡朝天向雪天玉階初辨色瓊樹乍相

鮮密翳空難曙盈徵瑞不愁誰爲洛陽客是日更高眠

秋日登山閣

蒼蒼山閣晚杳杳隙塵秋偶上多時立翻成盡日愁  
草平連邑動河滿逐江流下視窮邊行人隴頭

旅懷

萬里共心論徒言吾道存奉親無別業謁帝有何門  
水宿驚濤浦山行落葉村長安長夢去欹枕卽聞猿

秦原早望

一忝鄉書薦長安未得回年光逐渭水春色上秦  
臺燕掠平蕪去人衝細雨來東風生故里又過幾  
花開

方虛谷云其思優游而不深怨可取

東渭橋晚眺

秦地有吳州千塙渭曲頭人當返照立水徹故鄉  
流落第春難過窮途日易愁誰知橋上思萬里在  
江樓

長安卽事

豈得有書名徒爲老帝京關中秋氣早雨後夜涼

生滄海身終泛青門夢已行秦人縱相識多少別  
離情

長安夜懷

匹馬西游日從吳又轉荆風雷幾夜坐山水半年  
行夢永秋燈滅吟餘曉露明良時不我與白髮向  
秦生

陝下懷歸

故園何處在零落五湖東日暮無來客天寒有去  
鴻大河冰徹塞高岳雪連空獨夜懸歸思迢迢永  
瀟中

江夏春感舊

東風出海門處處動林園澤國雪霜少沙汀花木  
繁暖魚依水淺晴鴈入空翻何處陽和力生萍不

駐根

結自  
寓意

及第後歸

家臨浙水傍岸對買臣鄉縱棹隨歸鳥乘潮向夕  
陽苦吟身得雪甘意鬢成霜况此年猶少酬知足  
自強

自江上入關

盡室寄滄洲孤帆獨泝流天涯心似夢江上雨兼

秋文字爲人棄田園被債收此名如不得何處擬將休

過巫峽

擁棹向驚湍巫峰直上看削成從水底聳出在雲端暮雨晴時少啼猿渴下難一聞神女去風竹掃空壇

八月峽口作

萬里西南水秋來滿峽流亂山無陸路行客在孤舟洶洶灘聲惡冥冥樹色秋免爲三不弔終白一生頭

自黔中東歸旅次淮上

行旅本同愁黔吳復阻修半年方中路窮節到孤  
舟夕靄垂陰野晨光動積流家山一夜夢便是昔  
年遊

黔中罷職將泛江東

黔荒初罷職薄俸亦無殘舉目鄉關遠携家旅食  
難野梅將雪競江月共一作與沙寒兩鬢愁應白勞  
心把鏡看

初離黔中泊江上

去去把青桂平生心不違更蒙蓮府辟兼脫布衣



歸霽岳

一作碧岫

明殘雪清波漾落暉無窮幽鳥戲時

向棹前飛

鄂渚湖上卽事

杜門聊自適湖水在窗間縱得滄江去無過白日  
閑多慵空好道少賤早凋顏獨有東峯月依依自  
往還

越中行

越國臨滄海芳洲暮復晴湖通諸浦白日隱亂峯  
明野宿多無定閑遊免有情天台聞不遠終道石  
橋行

之任建安綠溪亭偶作二首

入境當春務農蠶事正殷逢溪難飲馬渡嶺更勞  
人想取蒸黎泰無過賦歛均不知成政後誰是得  
爲隣

維舟綠溪岸遶郡白雲峯將幕連山起人家向水  
重短才無獨見長策未相逢所幸分堯理蒸民悉  
可封

過四皓廟

東西南北人高跡自相親天下已歸漢山中猶避  
秦龍樓曾作客鶴筆不爲臣獨有千年後青青廟

木春

係光錄云頻以此詩示方干干曰善則善矣

非王臣能不爲臣耶當

改作稱字頻慙而服

### 夏日過友人檀溪別業

暑天宜野宅林籟爽泠泠沙月邀開戶巖風助掃  
庭鷺栖依綠篠魚躍出清萍客抱方如醉因來得  
暫醒

### 過嵩陰隱者

當門看少室倚杖復披衣每日醒還醉無人  
是與非架書抽讀亂庭果摘嘗稀獨有江南客思家未  
得歸

深秋過源宗上人方丈

到日值搖落相留山舍空微寒生夜半積雨向秋  
終度講多來鴈經禪少候蟲方從聽話後不省在

愁中

三四同後暮秋宿清源上人院

暮秋重過山僧院

却接涼宵坐明河幾轉流安禪逢小暑抱疾入高  
秋靜室聞玄理深山可白頭朝朝獻林果亦欲學  
獼猴

前四句與後夜宿重本上人院同

黔中罷職過峽州題田使君北樓

巴中初去日已遇使君留及得尋東道還陪上北

樓江衝巫峽出櫓過洛宮收好是從我罷看山覺  
自由

遊四明山劉樊二真人祠題山下孫氏居

久在仙壇下全家是地仙池塘來乳洞禾黍接芝  
田起看青山足還傾白酒眠不知塵世事雙鬢逐  
流年

夏日題盤屋友人書齋

修竹齊高樹書齋竹樹中四時無夏日三伏有秋  
風黑處巢幽鳥陰來叫候蟲牕西太白雪萬仞在  
遙空

題薦福寺僧栖白上人院

空門有才子得道亦吟詩  
內殿頻徵入孤峯久作  
期高名何代比密行幾生持  
長愛喬松院清涼坐  
夏時

題棲霞寺慶上人院

居與鳥巢隣日將巢鳥親  
多生從此性久集得無  
身此四句一作是法從生有修持原樹老風終夜  
山寒雪見春不知諸祖後傳印自何人後四句重  
後贈玄規

人上

卷終

戊籤三十三李頻之二

唐音統籤卷

六百三十三

五言律詩二

秋夜宿秘書姚監宅

高樹密濛濛開樓待遠風

一作貴宅多作樹先秋有好風

情閑眠

關下夢野到山中露色浮寒瓦螢光墜暗叢聽吟  
麗句盡河漢轉虛空

秋夜宿重本上人院

却憶涼堂坐明河幾度流安禪逢小暑抱疾入高  
秋水國曾重講雲林半舊遊此來看月落還似道  
相求

秋宿慈恩寺遂上人院

滿閣終南色  
清秋獨倚欄  
風高斜漢動  
葉下曲江寒  
帝里求名老  
空門見性難  
吾師無一事  
不似在長安

暮秋宿清源上人院

野客愁來口  
山房木落中  
微風生夜半  
積雨向秋終  
證道方離法  
安禪不住空  
迷途將覺路  
語默見西東

喜友人厲圖南及第

相愛過已切  
相賀似身榮  
心達無前後  
神交共歲



生承家吾子事登第世人情未有通儒術明時道  
不行

岐山逢陝下故人

三秦一會面二陝久分攜共憶黃河北相留白日  
西寄來書少達別後夢多迷早晚期於此看花聽  
鳥啼

蜀中逢友人

自古有行役誰人免別家相歡猶一作寬須陌上一醉

任天涯積疊山藏蜀潺湲水遶巴他年復何處共  
說海棠花

關東逢薛能

何處不相思相逢還有時  
交心如到老會面未爲  
遲苦學緣明代勞生欲  
白髭唯君一度別便似見  
無期

尋華陽隱者

閑却白雲居行蹤出去  
初牕中聊取筆架上獨留  
書一作歌中誰寄日背林光  
冷潭澄嶽影虛長聞  
得藥力此說復何如

冬夜山中尋僧

夜山深雪後月下獨尋師  
若得長閑日應無暫別

時葉寒凋欲盡泉凍落微遲卽此天明去重來又

未期題一作尋友首二句作何人山雪夜相訪不相思

冬夜和范秘書宿祕省中作

每日得閑吟清曹闕下深因知遙夜坐別有遠山

心芸細書中氣松疎雪後一作陰歸幾一作時高興

足還復掃朝簪

冬夜酬范祕書

九衢行一匝不敢入他門累日無餘事通宵得至

一作盡言命嗟清世蹇春覺閨冬喧襦履吟佳句何

酬國士恩

黔中酬同院韋判官

平生同所爲相遇偶然遲  
各着青袍後無歸白社  
期江流來絕域府地管諸夷  
聖代都無事從公但  
賦詩

和太學趙鴻博士歸蔡中

得祿從高第還鄉見後生  
田園休問主詞賦已垂  
名掃壁前題出開窗舊景清  
遙知賢太守致  
目  
邀迎

和范贊先輩訪襄陽舊遊

聽話揚帆興初從峴首還  
高吟入白浪遙坐出青

山古木猿啼  
爽空汀鶴立  
開秋來南去  
夢幾夜度  
商顏

酬姚覃

不見又相招  
何曾訴寂寥  
醉眠春草長  
吟坐夜燈銷  
淚墮思山切  
身歸轉路遙  
年年送別處  
楊柳少垂條

長安僻居酬人

豈得有詩名  
徒爲老帝京  
關中秋氣早  
雨後夜涼生  
滄海身終汎  
青門路已行  
吟君一句意  
又見故人情

陝府上姚中丞

關東領藩鎮闕下授旌旄覓句秋吟苦酬恩夜坐  
勞天開吹角出木落上樓高閑話錢塘郡半生聽  
海濤

陝下投姚諫議

舊業在東鄙西遊從楚荆風雷幾夜坐山水半年  
行夢永秋燈滅吟孤曉露明前心若不遂有耻却  
歸耕

贈同官蘇明府

山中畿內邑別覺大夫清簿領分王事官資寄野

情閑齋無獄訟隱几向泉聲從此朝天路門前是  
去程

春日鄜州贈裴居言

雖將身佐幕出入似閑居草色長相待山情信不  
疎燈前春睡足酒後夜寒餘筆研時時近終非署  
簿書

贈李將軍

吾宗偏好武漢代將家流走馬辭中禁屯軍向渭  
州天心待破虜陣面許封侯却得河源水方應洗  
國讐

富春贈孫璐

天柱與天目曾栖

一作攀

絕頂房青雲求祿晚白日

坐家長井氣通潮信牕風引海涼平生詩稱

一作稿

在老達亦何妨

貽友人喻坦之

從容心自別飲水勝啣杯  
共在山中長相隨闕下  
束修身空有道取事各無媒  
不信昇平代終遺草  
澤才

贈立規上人

竹向空齋合無僧在四隣  
去雲離坐石斜月到禪



身樹老風終夜山寒雪見春不知諸祖後傳卽是  
何人

寄范郎中

藜杖山中出吟詩對范家相知從海嶠寄食向京  
華名宦成何報  
賡餘臨卽夢來往兩雪滿  
衰斜

寄范評事

行坐不相遺轅門載筆時雖知難更遇舊分合長  
思夢卽重尋熟書常轉達遲山齋終擬到何日遂  
心期

寄友人

一別一相見須臾老此生客衣寒後薄山思夜深  
清詩近吟何何髭新白幾莖路岐如昨日來往夢  
分明

秋夜對月寄鳳翔范書記

月過秋霖後光應夜夜清一廻相憶起幾度獨吟  
得清漢東西直山川遠近明寸心遙往處新有鴈  
夜聲

秋夜

一作日

江上思歸寄山中友人

蕭條對秋色相憶在雲泉木落病身起潮平歸思

懸涼鐘山頂寺煨火

一作色

渡頭船此地非吾土淹

留又一年

長安書事寄所知

帝里本無名端居有道情  
睡魂春夢短書興晚窗明  
老病歸何處閑應過此生  
江湖終一日拜別便東行

夏日盤屋郊居寄姚少府

古木有清陰寒泉在下深  
蟬從初伏噪客向晚涼吟  
白日欺玄鬢滄江負素心  
甚思中夜話何路許相尋

郊居寄友人

林色樹還曛何時得見君  
獨居度永日相去遠浮  
雲故疾隨秋至離懷覺夜分  
蛩聲非自苦偏是旅  
人聞

江上寄山客

山後與山前相思隔叫猿  
殘雲收樹末反照落江  
源苦雨秋濤長狂風野火  
翻朝來賣藥客遇我達  
君言

春日南遊寄浙東許同年

孤帆處處宿不問是誰家  
南國平蕪遠東風細雨

斜旅懷多寄酒寒意欲留花更想前途去茫茫滄  
海涯

南遊過湘漢卽事寄友人

南去遠驅逐三湘五月行巴山雪水下楚澤火雲  
生向野聊中飯乘涼探暮程離懷不可說已迫峽  
猿聲

回山後寄范鄴先輩

高樓會月夜北鴈向南分留住經春雪辭來見夏  
雲遙空江不極絕頂日難曛一與山僧坐無因得  
議文

辭夏口崔尚書

一飯仍難受淹留已半年終期身可報不擬骨空

鐫城晚風高角江春浪起船曾同一作栖止地獨

去寒鴻前

睢州別李使君

一作眉山留  
獻張端公

回首雪峰前朱門心杳然離人自嗚咽流水莫潺  
湲毒草通蠻徼秋林近漏天一生從此去五字有  
誰憐

鄜州留別王從事

相識未十日相知如十年從來易離別此去忽留

連路險行衝兩山高度隔天終難清夜坐更聽說  
安邊

明州江亭夜別段秀才

離亭向水開時候復蒸梅霹靂燈燭滅蒹葭風雨  
來京關雖共語海嶠不同回莫爲尊鱸美天涯滯  
爾才

宛陵東峰亭與友人話別

坐舉天涯目停杯語日晡修篁齊迥櫺列岫限平  
蕪亂水通三楚歸帆挂五湖不卽從此去何處是  
前途

臨岐留別相知

百歲竟何事一身長遠遊  
行將近老處處不離  
愁世路多相取權門不自  
擇冀爲此時別欲別願  
人留

友人話別

論交雖不蚤話別且相親  
除却棲禪客誰非南陌  
人半生都返性終老擬安  
貧願入白雲社高眠自  
致身

留別山家

閑門不易求半月在林丘  
已與山水別難爲花木



留孤懷歸靜夜遠會隔高秋莫道無言去冥心在  
重遊

戊籤三十三李頻之三

唐音統籤卷

六百三十四

五言律詩三

送鄂渚韋尚書赴鎮

夏口本吳頭重城據上游  
戈船轉江漢風月宿汀洲  
執憲傾民望衡恩赴主憂  
誰知舊僚屬攀餞淚仍流

送薛能赴鎮徐方

列土人間盛彭門屬兖州  
山河天設險禮樂牧分憂  
皎日爲明信清風占早秋  
雖同郤縠舉郤縠不封侯

送侯郎中任新定二首

爲郎非白頭作牧授滄洲江界乘潮入山川值勝  
遊暑風隨轉扇涼月傍開樓便欲歸田里拋官逐  
隱侯

罷郎東出守半路得浮舟大旆行甯夏桐江到未  
秋雲閑分島寺濤靜見沙鷗誰伴臨清景吟詩上  
郡樓

送張郎中赴睦州

青山復綠水想入富春西夾岸清猿去中流白日  
低美兼華省出榮具故鄉齊賤子蓮攀送歸心逐

馬蹄

送裴御史赴湖南

關門鳥道中飛傳復乘驄暮雪離秦甸春雲入楚  
宮平蕪天共濶積水地多空使府懸帆去能消幾  
日風

送崔侍御書記赴山北座主尚書招辟

管記向丘門旌幢夾谷尊從來遊幕意此去併酬  
恩鴈叫嫌冰合驄嘶喜雪繁同於入室仕不覺別  
銷魂

送許渾待御赴潤州

家山近石頭遂意恣東遊  
祖席離烏府歸帆轉蜃樓  
陰氛出海散落月向潮流別  
有爲霖日孤雲未自由

送姚評事

儒服從戎去須知勝事全  
使君開幕日天子偃戈年  
風雨依嵩嶺桑麻接楚田  
新詩隨過客旋滿洛陽傳

送姚郢先輩赴汝州辟

行李事寒天東來聘禮全  
州當定閭處人去偃戈年  
雷雨依嵩嶺桑麻接楚田  
遙知清夜作不是借

戎篇

與前篇  
多同

送鳳翔范書記

兩京無暑氣夏景似清秋天府來相辟高人去自  
由江山通蜀國日月近神州若共將軍語河蘭地  
未收

送德清喻明府

棹返雲溪雲仍參舊使君州傳多古跡縣記是新  
文水柵橫舟閑湖田立木分但如詩恩苦爲政郎  
超群

送九江狄明府

字人修祖德清白定聞傳匹馬離秦去孤舟入楚  
懸關中寒食雨湖上暑衣天四考兼重攝相知住  
幾年

送台州唐興陳明府

見說海西隅山川與俗殊宦游如不到仙分卽應  
無瀑布當公署天台是縣圖遙知爲吏去有術字  
惇孤

送壽昌曹明府

惠人須宰邑爲政貴通經却用清琴理猶嫌薄俗  
聽漲江晴漸綠春嶠曉還青若宿嚴陵瀨誰當是

客星

送延陵韋少府

延陵稱貴邑季子有高蹤  
古跡傳多代仙山管幾  
峯微泉聲小雨異木色深  
冬去畢三年秩新詩簾  
不容

送薛能少府任盤厓

不才甘下第君子蹇何重  
相送昆明岸同看太白  
峰數瓢留頃刻殘照迫從  
容好去煙霞縣仙人有  
舊踪

送陸肱尉江夏



如何執簡去便作挂帆期澤國三春早江天落日  
遲縣人齊候處洲鳥欲飛時免褐方三十青雲豈  
白髭

送許棠歸涇縣作尉

青桂復青袍一歸榮一高縣人齊下拜邑宰共分  
曹遶郭看秧插尋街聽繭繅封侯萬里者燕頷乃  
徒勞

送新安少府

南浮雖六月風水已秋涼目亂看江樹身飛逐楚  
檣後期誰可定臨別語空長遠宦須清苦幽蘭貴

獨芳

送許棠及第歸宣州

高科終自致志業信如神  
待得逢公道由來合貴  
身秋歸方覺好舊夢始知真  
更想青山宅誰爲後  
主人

送許壽下第歸東山

吾君設禮闈誰合學忘機  
却是高人起難爲下第  
歸出關心縱野避世事終稀  
莫更今秋夕相思望  
少微

送友人下第歸越

歸意隨流水江湖共在東山陰何處去草際片帆  
通雨色春愁裡潮聲曉夢中雖爲半年客便是往  
來鴻

送友人下第歸宛陵

天涯長戀親闕下獨傷春擬住還求已須歸不爲  
身臨岐仍犯雪掛席始離塵共泣東風別同爲滄  
海人

送孫明秀才往潘州訪韋卿

非鳥飛不到非人今去遊天涯浮瘴水嶺外問潘  
州草木春冬茂猿獠日夜愁定知遷客淚應只對

君流

蘇州寒食日送人歸覲

江城寒食下花木慘離魂  
幾宿投山寺孤帆過海門  
聲潑火雨柳色禁烟村  
定看堂高後斑衣減淚痕

送厲圖南往荊州覲伯

雲水入荊洲古來魚鳥鄉  
故關重隔遠春日獨行長  
山溜含清韻江雷吐夜光  
郡中詞客會遊子更升堂

送徐處士歸江南

行行野雪薄寒氣日通春故國入芳草滄江終白  
身遊歸花落滿睡起鳥啼新莫惜閒書札西來問  
旅人

送人歸吳

何人不歸去君去是閒人帝里求相識家山卽近  
隣交情吾道舊離思柳條新未飲青門酒先如醉  
夢身

送吳祕書歸杭州

爲客得從容官清料復重海涯歸有業天目近何  
峰是處通春棹無村不夜春馬卿誇貴達還說返

臨邛

送陸肱歸吳興

雪後江上去風光故國新  
清渾天氣曉綠動浪花  
春勸酒提壺鳥乘舟震澤人  
誰知滄海月取桂邽  
來秦

送友人喻坦之歸睦州

歸心常共知歸路不相隨  
彼此無依倚東西又別

離山花含雨濕

一作亞

江樹近

一作逆

潮歌莫戀漁樵

與人生各有期

送劉山人歸洞庭

却共歸雲去高眠最上峰

一作若逐雲山去人間又絕蹤

半湖乘

早月中路入疎鐘秋盡草蟲急夜深山雨重平生

心未已不得更相從

一作當時同隱者分得幾株松

### 送胡休處士歸湘南

見話

一作

荆湘切長懷

一作

有去時江湖秋涉遠

風雨夜眠遲舊業多歸興空山盡老期天寒一瓢

酒落日擬留誰

### 淮南送人歸滄洲

風色忽西轉坐爲千里分高帆背楚落寒日逆淮

曉斷燒緣喬木盤鵬隱片雲鄉關百戰地歸去始

休軍

長安送友人東歸

白社思歸處青門見去人鄉遥

一作連

茂苑樹路入

廣陵塵海日潮浮曉湖山雪露春猶期來帝里未  
是得閒人

漢上送人西歸

此日看行意令人動遠心

一作幾作西歸  
夢因爲愴別心

野對天

去盡山夾漢來深疊浪翻殘雪高帆引片雲唯應

留別句

一作空留  
相贈句

畢我白頭吟

送人遊吳



楚田開雪後草色與君看積水浮春氣深山滯雨  
寒毗陵孤月出建業一鐘殘爲把鄉書去因收別  
淚難

送友人之揚州

一別長安後晨征便信雞河聲入峽急地勢出關  
低綠樹叢垓下青蕪濶楚西路長知不惡隨處好  
詩題

送于生入蜀

家吳聞入蜀道路頗乖離一第何多難都城可少  
知江山非久適命數未終奇況又將冤抱經春杜

魂隨

送友人遊蜀

東堂雖不捷西去復何愁蜀馬知歸路巴山似舊  
遊星臨劍閣動花落錦江流鼓吹青林下時聞祭  
武侯

送友人入蜀

天際蜀門開西看舉別杯何人不異禮上客自懷  
才夜澗青林發秋江淥水來臨邛行樂處莫到白  
頭回

送友人陸肱往太原

并州非故國君去復尋誰  
獐狔方爲寇嫖姚正用  
師成煙來有號邊雪下無時  
更想經綿上應逢禁  
火期

送友人往太原

離亭聊把酒此路徹邊頭  
草白鴈來盡時清人去  
遊汾河流晉地塞雪滿并州  
別後相思夜遙看北  
斗愁

一作明日相思  
起蕭條上北樓

送友人遊太原

孤帆幾日懸楚客思飄然  
水宿南湖夜山離舊國  
年秋風高送鴈寒雨入  
停蟬此去勤書札時常中

路傳

送友人往振武

風沙遙見說道路替君愁  
磧夜星垂地雲明火上  
樓征鴻辭塞雪戰馬識邊秋  
不共將軍語何因有  
去留

送友人遊塞北

朔野正秋風前程見磧鴻

一作上馬問雲  
中前川送北風

日西身

獨遠

一作去

山轉路無窮樹隔高關斷  
沙連大漠空

君看河外將早晚擬平戎

江上送從兄群玉校書東遊

逍遙逢閣吏才子復詩流  
墳籍因窮覽江湖却縱  
遊眠波聽戍鼓飯浦約漁舟  
處處迎高密先應掃  
郡樓

峽州送清微上人歸浙西

風濤幾千里歸路半乘舟  
此地難相遇何人更共  
遊坐經嵩頂夏行值洛陽秋  
到寺安禪夕江雲滿  
石樓

送元遂上人歸錢塘

白衣遊帝鄉已得事空王  
却返湖山寺高禪水月  
房雨中過嶽黑秋後宿船涼  
回顧秦人語他生會

上方

送僧入天台

一錫隨緣赴天台又去登長亭舊別路落日獨行  
僧夜燒山何處秋帆浪幾層他時授巾拂莫道老  
無能

送供奉喻鍊師歸天目山

承恩雖內殿得道本深山舉世相看老孤峯獨自  
還溪來青壁裏路在白雲間絕頂無人往雙峯是  
舊關

哭賈島

秦樓吟苦夜南望只悲君一官終遐徼千山隔旅  
墳恨聲流蜀魄冤氣入湘雲無限風騷句時來日  
下聞

中秋對月

秋分一夜停陰魄最晶熒好是生滄海徐看歷杳  
冥層空凝洗色萬惟想潛形他日無相類晨雞不  
可聽

八月十五夜對月

陰盛此宵中多爲雨與風坐無風雨至看共雪霜  
同抱濕離遙海傾寒向迥空年年不可值還似命

道一作難通

賦得長城璫竹杖

秦興隴繁時剪伐不知誰異代餘根在幽人得手  
持細看生古意閑倚動邊思莫作鳩形並空傳鶴

髮明



戊籤三十三李頎之四

唐音統籤卷

六百三十五

五言排律

陝州題河上亭

岸擁洪流急亭開清興長  
當軒河草晚入坐水風涼  
獨鳥驚來客孤雲觸去樯  
秋聲和遠雨暮色帶微陽  
浪靜澄窓影沙明發簾光  
逍遙每盡日誰識愛滄浪

苑中題友人林亭

林邑藏巖洞幽栖趣若何  
春篁兼笋密夏鳥雜雛  
多坐有清風起林無暑氣  
過亂書還就葉真飲不

聽歌片景明紅蘚斜陰映綠蘿雄文終不惜莫便棄高科

留題姚氏山齋

未厭棲林趣猶懷濟世才閑眠知道在高步會時來露滴從添硯蟬吟便送盃亂書離縹帙迸筍出莓苔異果因僧摘幽窓爲燕開春遊何處盡欲別幾遲回

投京兆府試官任文學先輩

高興每論詩非才獨見推應當明試日不比暗投時出口人皆信操心自可知孤單雖有託際會別

無期取捨知由已窮通斷在茲殘身何足數公道  
自難欺澤國違甘旨漁舟積夢思長安未歸去爲  
倚筌妍媸

長安書情投知己

陝服因詩句從容已半年一從歸闕下罕得到門  
前每候朝軒出常看列宿懸重投期見獎數首果  
蒙傳轉覺功宜倍兼令住更堅都忘春暫醉少省  
夜曾眠煩暑燈誰讀孤寒業自專精華搜未竭驢  
雅琢須全此事勤雖過他謀拙莫先槐街勞白日  
桂路在青天取第殊無序還鄉可有緣旅情長越

烏秋思幾素蟬月色千橫滿砧聲萬井連江山阻  
迢遞時節暗推遷道即窮通守才應始末憐書紳  
相戒語藏篋贈行篇致主當齊聖爲郎本是仙人  
心期際會鳳翼語邊延畢竟良圖在何妨逸性便  
幽齋中寢覺珍木正陰圓隱几閑瞻彼臨雲興渺  
然五陵共麗景六義動花牋儻與潛生翼寧非助  
化權免教垂素髮歸種海隅田

長安書懷投知己

所學近雕蟲知難謁

一作

至公徒隨衆人後擬老

生中間歲家書到經荒世業空心懸滄海斷

一作

潤夢與白雲通玉漏聲連北銀河氣極東關門迢  
遞月禁苑寂寥鴻地廣身難束一作關時平道獨窮  
蕭條苔長雨浙澼葉危風久怯千朝客多慙別釣  
翁因依非不忝延薦况曾蒙與善應無替垂恩本  
有終霜天搖落日莫使逐孤蓬

寄辛明府

何處無苛政東南有子男細將朝客說須是邑人  
諳別業空經稔歸田獨未甘日凝煙積樹心貯月  
明潭曉鼓愁方亂春山睡正酣不任啼鳥思鄉社  
欲桑蠶

送姚侍御克渭北掌書記

北境烽煙急南山戰伐頻撫綏初易帥參畫盡須  
人書記才偏稱朝廷意更親繡衣行李日將陪別  
離塵報國將臨虜之藩不離秦矛冠嚴在首雄筆  
健隨身飲馬河聲暮休兵塞色春敗亡仍暴骨冤  
哭可傷神上策何當用邊情此是真雕陰曾久客  
拜送欲霑巾

送太學吳康仁及第南歸

因爲太學選志業徹春闈首領諸生出先登上第  
歸一榮猶未已具慶且應稀縱馬行青草臨岐脫

白衣家遙楚國寄帆對漢山飛知已盈華省看君  
再發機

府試丹浦非樂戰

自古爲君道垂衣致理難懷仁須去殺用武卽勝  
殘毒熾誅方及兵臨轡可觀居來彭蠡固戰罷洞  
庭寬雪國知天遠霜林是血丹吾皇則堯典薄伐  
至桑乾

府試風雨聞鷄

不爲風雨變鷄德一何真在暗長先覺臨晨卽自  
鳴陰靈方見信頃刻詎移聲向晦如相警知時似

獨清蕭蕭和斷漏嗑嗑報重城欲識詩人興中含  
君子情

府試觀蘭亭圖

往會人何處遺蹤事可觀林亭今日在草木古春  
殘筆想吟中駐盃疑飲後乾向青穿峻嶺當白認  
圓湍月影窓間夜湖光枕上寒不知詩酒客誰更  
慕前歡

府試老人星見

良宵出戶庭極日向青冥海內逢康日天邊見壽  
星臨空遙的的竟曉獨熒熒春後光依丙秋來忽



近丁垂休臨有道作瑞掩前經豈比周王夢徒言  
得九齡

省試振鷺

有鳥生江浦霜華作羽翰君臣將比潔朝野共相  
歡月影林梢下冰光水際殘翻飛時共樂飲啄道  
皆安迥翥宜高詠群棲入靜看由來鴛鴦侶濟濟  
列千官

七言律詩

黃雀行

欲竊高倉集御河翩翩疑渡畏秋波朱宮晚樹侵

鶯語盡閣香簾奪燕窠疎葉暗棲寒露重空城饑  
噪暮煙多誰令不解高飛去破宅荒庭有網羅

太和公主還宮

天驕發使犯邊塵漢將推功遂奪親離亂應無初  
去貌歿生雖有却回身禁花半老曾攀樹宮女多  
非舊識人重上鳳樓追故事幾多愁思向青春

寄遠

愧欲成陰分袂時君期十日復金扉槐今落葉已  
將盡君向遠鄉猶未歸化石早曾聞節婦沉湘何  
必獨靈妃須知此意同生歿不學他人空寄衣

長安卽事

長遇豪家不敢過此身誰與取高科故園久絕書  
來後南國空看鴈去多中夜永懷聽疊漏先秋歸  
夢涉層波愁人白髮自生早我獨少年能幾何

朔中卽事

關門南北雜戎夷草木秋來卽出師落日風沙長  
暝早窮冬雨雪轉春遲山頭堠火孤明後星外行  
人四絕時自古邊功可不立漢家中外自相疑

春日思歸

春情不斷若連環一夕思歸鬢欲斑壯志未酬三

尺劍故鄉空隔萬重山音書斷絕干戈後親友相逢夢寐間却羨浮雲與飛鳥因風吹去又吹還

下第北遊感懷

一作和友人

聖代爲儒可致身誰知又別五陵春青門獨出空歸鳥紫陌相逢盡醉人江島去尋垂釣遠塞山來見舉頭頻且須共漉邊城酒何必陶家有白綸

樂遊原春望

五陵佳氣晚氤氳霸業雄圖勢自分秦地山河連

紫

一作楚

寒漢家宮殿入青雲未央樹色春中見長

樂鐘聲月下聞無那楊花起愁思滿天飄落雪紛

紛

鏡湖夜泊有懷

東晉太守  
馬臻所築

廣水遙隄利物功因思太守惠無窮自從版築興  
農隙長與耕耘致歲豐漲接星津流蕩漾寬浮雲  
岫動虛空想當戰國開時有范蠡扁舟祇此中

鄂州頭陀寺上方

高寺上方無不見天涯行客思迢迢西江帆挂東  
風急夏口城銜楚塞遙沙渚漁歸多濕網桑林蠶  
後盡空條感時歎物尋僧語誰向禪心得寂寥

題張司馬別墅

庭前樹盡手中栽先後花分幾番去聲開巢鳥戀雛

驚不起野人思酒去還來自拋官與青山近誰訝

一作身爲白髮催門外尋常行樂處重重履

迹在莓苔

漢上逢崔八同年

去歲同遊帝里春杏花過後各離秦偶先託質從  
知己獨未還家作旅人世上路岐何繚繞空中光  
景不遠巡一迴相見一迴別更得幾時年少身

感懷獻門下相公

誰云郎選不由詩上相憐才積有時却是龍鍾到

毗鄰

門晚終非稽古致身遲謀將郡印歸難遂讀著家  
書坐欲癡日望南宮看到宿罕追警女與鄉比作

五月一日蒙替本官不得隨例入闕感懷獻  
送相公

五月傾朝謁紫宸一朝無分在清塵含香已去星  
郎位衣錦惟思婆女鄰折獄也曾爲俗吏勸農元  
本是耕人知將何事酬公道只養生靈似養身

浙東獻鄭大夫

聖主東憂漲海濱思移副相倚陶鈞樓臺獨坐江

山月舟楫先行澤國春遙想萬家閑外戶近聞群  
盜竄諸鄰幾時入去調元化天下同爲堯舜人

宣州獻從叔大夫

清時選地任賢明從此觀風輟尹京日月天中辭  
洛邑雲山江上領宣城萬家閭井俱安寢千里農  
桑竟起耕聞說聖朝同漢代已懸徵入拜公卿

賀同年翰林從叔舍人知制誥

仙禁何人躡近蹤孔門先選得真龍別居雲路拋  
三省專掌天書在九重五色毫揮成渙汗百寮班  
下闕從容芳年貴盛誰爲比鬱鬱青青嶽頂松



贈長城庾將軍

初年三十拜將軍近代英雄獨未聞  
向國報恩心比石辭天作鎮氣凌雲  
逆風走馬貂裘卷望塞懸弧鴈陣分  
定擁節麾從此去安西大破犬戎羣

長安寓居寄栢侍郎

霜輕兩髻欲相侵愁緒無端不可尋  
秦女紅粧空覓伴郢郎白雪少知音  
長亭占木春先老太華清煙晚更深  
獨向灞陵東北望一封書寄萬重心

將赴黔州先寄本府中丞

八月瞿塘倒底翻孤舟上得已銷魂  
幕中職罷猶

趨府闕下官成未謝恩丹嶂聳空無過鳥青林覆  
水有垂猿感知肺腑終難說從此辭歸便掃門

卽席送許之曹南省兄

梅爛荷圓六月天歸帆高背虎丘煙到時自見成  
行鴈別處休聽滿樹蟬賣劍爲除吳市酒携家猶  
借洞庭船待看春榜來江外名占蓬萊第幾仙

送羅著作兩浙按獄

著作常宰  
蘇州吳縣

使印星車適舊遊幽潛今日在瀛州科條盡曉三  
千罪囹圄應空十二洲舊綬有香籠驛馬皇華無  
暇狎沙鷗歸來重過姑蘇郡莫忘題名在虎丘

送邊將

防秋戎馬恐來奔  
詔發將軍出鴈門  
遙領短兵登隴首  
獨橫長劍向河源  
悠揚落日黃雲動  
莽蒼陰風白草翻  
若縱千戈更深入  
應聞收得到崑崙

湖口送友人

中流欲暮見湘煙  
葦岸無窮接楚天  
去鴈遠衝雲夢雪  
離人獨上洞庭船  
風波盡日依山轉  
星漢通宵向水連  
零落梅花過殘臘  
故園歸去又一年

一作醉一作及

五言絕句

長安感懷

一第知何日全家待此身空將灞陵酒酌送向東人

嵩山夜還

家住東臯下好采舊山薇自省遊泉石何曾不夜歸

渡漢江

嶺外音書絕經年復歷春近鄉情更怯不敢問來人

聞北虜入靈州二首

河冰一夜合虜騎滿靈州歲歲徵兵去徒防塞草  
秋

見說靈州戰沙中血不乾將軍日告急走馬向長  
安

贈桂林友人

君家桂林住日伐桂枝炊何事東堂樹年年待一  
枝

游蜀回簡友人

別來十二月去到漏天邊不是因逢閨還應似隔  
年

送友人落第將歸感懷

帝里無春意歸山對物華  
卽應來到日九陌踏槐花

題長孫桐樹

一去龍門側千年鳳影移  
空餘翦圭處無復在孫枝

七言絕句

春閨怨

紅粧女兒窓下羞畫眉  
夫婿隴西頭自怨愁容長  
照鏡悔教征戍覓封侯

述懷

望月疑無得桂緣  
春天又待到秋天  
杏花開與槐花  
落愁去愁來過幾年

自遣

永擬東歸把釣絲  
將行忽起半心疑  
青雲道是不平地  
還有平人上得時

春日旅舍

未識東西南北路  
青春白日坐銷難  
如何一別故園後  
五度花開五處看

及第後還家過峴嶺

魏馱山前一朶一作片花嶺西更有幾一作數千家石

斑魚鮓香衝鼻淺水沙田飯遶牙壽昌志類及第

西魏馱山戲作

自黔中歸新安

朝過春關辭北闕暮參戎幕向南巴却將仙桂東

歸去江月相隨直到家

題陽山顧鍊師草堂

若到當時上昇處長生何事後無人前峰自去種

松子坐見後來取茯神

奉和鄭薰相公七松亭



三四株松匝草亭便成彭澤柳爲名遙峰隱去難  
辭闕漣水朝回與出城

客洛酬劉駕

浮世總應相送老其君偏更遠行多此回不似前  
回別聽盡離歌逐櫂歌

贈涇州王侍御

一旦天書下紫微三年旌旆隴雲飛塞門無事春  
空到邊草青青戰馬肥

寄曹鄴

終南山是枕前雲禁鼓無因曉夜聞朝客秋來不

朝日曲江西岸去尋君

吳州月夜與曹太尉話別

早晚更看吳苑月西齋長憶月當窓不知明夜誰  
家見應照離人隔楚江

過長江傷賈島

忽從一宦遠流離無罪無人子細知到得長江間  
杜宇想君魂魄也相隨

聞金吾妓唱梁州

聞君一曲古梁州驚起黃雲塞上愁秦女樹前花  
正發北風吹落滿城秋

題釣臺障子

君家盡是我家山  
巖子前臺枕古灣  
却把釣竿終不可  
幾時入海得魚還

句

只將五字句用破一生心

北夢瑣言云有人以此稱於錢尚父者尚父曰

可惜此心何所不用而破于詩句苦哉

楚里八千里  
繁繁此都會

魏戔數里城  
遠水相映帶

方輿勝覽